

升級版「防騙視伏 APP」介紹短片（由香港警務處提供） 視像文字稿

開鏡見媽媽和兒子正在客廳觀看電視節目。就在此時，兒子的手機鈴聲響起，兒子拿起手機一看，手機屏幕正顯示升級版「防騙視伏 APP」的通知。

兒子： 又想呃我！

媽媽： 你又知係呃人電話？

兒子： 因為我下載咗升級版「防騙視伏 APP」！多咗三大功能。幫你下載先，教你點樣自動偵伏。

畫面顯示升級版「防騙視伏 APP」的程式下載頁面。畫面其後交代兒子一邊向媽媽介紹，一邊下載「防騙視伏 APP」。

媽媽： 點樣自動偵伏㗎？

畫面先顯示可供下載升級版「防騙視伏 APP」的程式商店，其後交代該程式提供的「可疑來電警示」功能及相關界面。

兒子： 個 APP 新增可疑來電警示。我哋跟版面指示，揸去開啟功能。

畫面交代開啟「可疑來電警示」功能的步驟及成功開啟功能的畫面。

媽媽： 而家咁多呃人網站，個 APP 幫唔幫到手㗎？

兒子： 咁就要揸「開啟可疑網站偵測」，再允許相關權限。

畫面交代開啟「可疑網站偵測」功能的步驟及成功開啟功能的畫面。畫面其後交代兒子向媽媽介紹「開啟可疑網站偵測」的功能和使用貼士。

兒子： 允許權限之後，系統每日會更新你手機內嘅資料庫，再喺你部手機內對比來電號碼同你瀏覽嘅網站，作出詐騙警示。仲有呀，你嘅通話紀錄同埋網頁瀏覽紀錄只會留喺你手機入面，絕對唔會發送去其他地方。

畫面交代媽媽的手機顯示了升級版「防騙視伏 APP」的「高危有伏」警示。

媽媽： 啱啱收到個訊息有個網站。電話顯示個網站高危有伏呀！

兒子： 即係代表與詐騙舉報有關。個 APP 仲可以用嚟舉報騙局㗎！等我入你電話號碼先，並輸入一次性驗證碼登記，咁之後你收到疑似詐騙嘅電話號碼或網站，都可以報料及時豐富詐騙資料庫，幫人幫自己。

媽媽： 個 APP 做到自動「偵伏」、舉報「騙局」。我都要同你阿爸裝 APP，再推介畀親戚好友先得！

兒子： 咁叻嘅咩。

畫面一轉，見郭富城先生作出呼籲

郭富城： 就係咁簡單就下載到，立即下載「防騙視伏 APP」，減低受騙風險！

熒幕蓋字： 立即下載最新防騙視伏 APP
自動「偵伏」 舉報「騙局」
防騙視伏 APP 標誌
防騙視伏 APP 二維碼
全城守網
CyberDefender.hk
網絡安全及科技罪案調查科標誌